

Ang **Modyul** na ito ay ginawa para sa mga mag-aaral na kumukuha ng Asignaturang Pagbasa at Pagsusuri ng Iba't Ibang Teksto Tungo sa Pananaliksik. Nakapokus ito sa pagtalakay sa Tekstong Persweysib at mga kaugnay na paksa na may kaugnayan dito.

Handa ka na bang alamin? Handa ka na bang sumagot sa mga tanong na may kaugnayan sa paksang tatalakayin sa araling ito? Kung gayon, simulan mo muna sa bahaging ito. Hayaan mo munang balikan ang mga natutunan sa naunang aralin bilang paghahanda sa susunod na aralin.



Tuklasin

Nagkaroon ka na ba ng karanasan kung saan hinikayat mo ang iyong mga kaibigan kung saang restawran mas mabuting kumain? Naranasan mo na rin bang kumbinsihin ang mga magulang mo na payagan kang sumama sa isang byahe kasama ang mga kabarkada? O kaya ay nagwagi ka na ba sa isang diskusyon sa grupo kung ano ang paksang gagamitin ninyo sa isang presentasyon? Ang mga pamamaraang ginagamit mo bilang panghihikayat sa mga impormal na kumbersasyon tulad ng mga nabanggit ay maaaring maging batayan din sa pagbuo ng tekstong persweysib. Ang konsepto ng panghihikayat sa mga kaswal na kumbersasyong ito ay gaya lang din ng panghihikayat ng isang manunulat upang kumbinsihin ang mga mambabasa na paniwalaan ang kaniyang mga sinasabi sa isang partikular na paksa.

Aralin 22: Kahulugan ng Tekstong Persweysib



- Ang tekstong persweysiv (persuweysib) ay ang tekstong naglalayong makapangumbinsi o makapanghikayat sa tagapakinig, manonood o mambabasa. Ito rin ay pagbibigay ng opinyon ng may akda o nagsasalita upang mahikayat ang kanilang kausap. Ang tono ng tekstong ito ay sobhetibo kung saan nakabatay ang manunulat sa kanyang mga ideya.

- Layunin ng textong persweysiv na maglahad ng isang opinyong kailangang mapanindigan at maipagtanggol sa tulong ng mga patnubay at totooong datos upang makumbinsi ang mga mambabasa na pumanig sa manunulat.
- Mga pahayag na makaakit sa damdamin at isipan ng mambabasa
- Mga pangangatwirang hahantong sa isang lohikal na konklusyon
- Layunin na manghikayat o mangumbinsi sa babasa ng teksto.
- Isinusulat upang mabago ang takbo ng pag-iisip ng mambabasa at makumbinsi ito sa punto ng manunulat at hindi sa iba, siya ang tama.
- May subhetibong tono sapagkat malayang ipinapahayag ng manunulat ang kanyang opinyon at paniniwala ukol sa isyu.
- Ginagamit sa mga iskrip ng patalastas, propaganda sa eleksyon, pagrerekyut para sa networking, editorial at mga artikulo.

Mga Halimbawa ng Tekstong Persweysib

- Iskrip sa Patalastas
- Propaganda sa Eleksyon
- Pliers ng Produkto
- Brochures na Nanghihikayat
- Networking (Open Minded Ka Ba?)
- Kahit Anong Panghihikayat

Gawain 1

Sa araw-araw na komunikasyon, madalas kang nakaririnig ng mga diskursong nanghihiikayat o kaya naman ay pumapaloob ka sa mga diskusyon na nangangailangan ng panghiikayat. Balikan ang mga karanasan kung saan kinailangan mong kumbinsihin ang iyong mga magulang, kapatid, kaklase, o kaibigan sa isang tiyak na pagdedesisyon. Nagtagumpay ka ba sa paghiikayat o pagkumbinsi sa kanila? Suriin ang iyong karanasan at ibahagi kung sa tingin mo ay nagtagumpay ka sa panghiikayat. Ikuwento ang iyong karanasan.

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There is a margin at the top and bottom. The paper is set against a dark background.



Tayahin

Panuto: Tukuyin ang Propaganda Devices sa bawat bilang. Bilugan ang titik ng tamang sagot.

- Ang pagsisiraan ng mga kandidato sa isa't isa tuwing eleksyon ay hindi na bagong bagay. May mga kandidatong nagbibigay ng hindi magandang puna sa kalaban nila sa puwesto. Anong propaganda devices ang binabanggit?
A. Transfer
B. Plain Folks
C. Name Calling
D. Bandwagon
- Makikita sa komersyal ni James Reid na kahit anong sitwasyon ay mananatili siyang gwapo kapag gumamit ng produktong *Master*. Anong uri ito ng propaganda devices?
A. Glittering Generalities
B. Bandwagon
C. Name Calling
D. Plain Folks
- Dahil kilala si Kuya Kim bilang mahilig tumuklas ng bagay-bagay lalo na sa siyensiya at sikat siya sa ganitong larangan pinipili siya upang mag-endorso ng mga gamot na hindi pa masyadong sikat sa merkado.
A. Bandwagon
B. Testimonial
C. Transfer
D. Name Calling
- “Huwag mahihiyang magtanong kung may RiteMED ba nito?” makikita sa komeryal na ang nag-endorso nito ay si Susan Roces ng kasalukuyang ipinakikilala ang RiteMED sa merkado.
A. Transfer
B. Name Calling
C. Bandwagon
D. Testimonial
- May mga komersyal na napapanood natin sa telebisyon na ordinaryong tao ang nag-eendorso ng produkto isang halimbawa ay ang *Surf Fabcon*.
A. Transfer
B. Plain Folks
C. Testimonial
D. Glittering Generalities
- LBC Hari ng padala, ipinapakita sa komeryal na ito na lahat ng tao ay sa LBC lang nagpapadala kaya't hinihikayat at pinapaniwala ang masa na ito ang tangkilikin.
A. Plain Folks
B. Transfer
C. Name Calling
D. Bandwagon
- Ang komersyal ng Lucky Me Original na ang bata ay gagawin lahat para sa Lucky Me ipinakikita ang magandang dulot nito sa pamilya, subalit hindi sinasabi ang masamang epekto ng labis na pagkain nito gaya ng pagkakaroon ng UTI.
A. Card Stacking
B. Transfer
C. Testimonial
D. Name Calling
- Habacadabra sa long hair mo, sayang sa akin maikli, pahabain natin! Makikita ang sikat na si Kathryn Bernardo sa komeryal ng *sunsilk*.
A. Transfer
B. Testimonial
C. Bandwagon
D. Card Stacking

9. Isa ang French Fries sa pinaka paborito inoorder sa mga fast food. Makikita sa komersyal na ang Crispy nito, ngunit may masamang dulot sa kalusugan ang sobrang pagkain nito.

A. Testimonial	C. Card Stacking
B. Bandwagon	D. Transfer
10. Pamilyar ka ba sa *CoverGirl* magasin? Halos lahat ng mga sikat na artista na nagiging *cover* ng magasing ito ay gumagamit ng *Covergirl* na produkto.

A. Testimonial	C. Bandwagon
B. Card Stacking	D. Transfer
11. Naririnig natin ang mga propaganda ng mga kandidato kapag panahon ng eleksyon, ang kanilang magaganda at nakasisilaw na pangako sa sambayanang Pilipino kapag sila ay naluklok sa puwesto.

A. Name Calling	C. Transfer
B. Glittering Generalities	D. Testimonial
12. Aray! Ha? Halika tutulungan kita. Tara! Naku kamay mo naman ang mahihirapan sa mantsa na yan! *Relax* kayang-kaya yan! Introducing New Breeze with Power Care Technology.

A. Plain Folks	C. Transfer
B. Testimonial	D. Name Calling
13. Joy isang patak bisang katutak. Ngayon sa Visayas alin ang mas maraming nahugasan ?

A. Name Calling	C. Bandwagon
B. Transfer	D. Plain Folks
14. Coco Martin, para kanino ka bumabangon? Sa pamilya, ako kasi panganay siyempre ako ang aasahan nila. Hindi ko alam ang gagawin ko, nag OFW ako tiniis ang lamig! Kailangan lang siguro ang tapang mo, parang *Nescafe blend and original*.

A. Transfer	C. Plain Folks
B. Name Calling	D. Bandwagon
15. Proud ako sa *body pain* ko, dahil bawat aray ay patunay ng pagpupursige ko na buong galing ang aking ibinibigay, at hindi ako takot umaray may *Alaxan FR* naman *expert sa body pain* inindorso ni Manny Pacquiao ang nasabing produkto.

A. Name Calling	C. Bandwagon
B. Card Stacking	D. Transfer